



1668.

- 1<sup>a</sup> 2<sup>a</sup> Conringius, Hermannus: De legatione
- 2<sup>a</sup> 3. Conringius, Hermannus: De febre meligrae vulgo dicta Ungarica. 2 Sempl.
4. Eichelius, Johannes: De h'tis immunitatione et nominatioue domini.
5. Haererus, Iusci: De sequestratione
6. Merbomius, Henricus: De motu sanguinis naturali et praeternaturali.
7. Wffelmannus, Henricus: De mensura pretii rerum et re numaria in repub. recte constituenda.
8. Wernerus, Georgius: De mora.

1669.

1. Conringius, Hermannus: De officiis alius imperii Romano-Germanici.
- 2<sup>a</sup>, 6<sup>a</sup> Conringius, Hermannus: De privilegiis recte conferendis et revocandis. 3 Sempl. 1669 & 1678



1669.

3<sup>a</sup> <sup>2<sup>o</sup></sup> Couringius, Hermannus: De contributionibus.  
2 Exempl 1669 u. 1675.

4. Couringius, Hermannus: De jure belli ex publicis  
principale profectionibus.

5. Couringius, Hermannus: De majestate epusque  
juribus circa sacra et profane potissimis.

6. Eichelius, Johannes: De precariis.

7. Eichelius, Johannes: De communiione bonorum  
inter conjuges.

8<sup>a</sup> Nemerus, Georgius: De origine, usu et auctoritate  
juris canonici in foro civili et terris protestan-  
tiam.

8<sup>b</sup> Nemerus, Georgius: De origine, usu et auctoritate  
juris canonici.



J. Vernerus, Legatus: De usu et auctoritate juris  
canonici. in foro civili et terris protestantium





*[Faint, illegible handwritten text, likely bleed-through from the reverse side of the page.]*





DISPV TATIO MEDICA  
INA VGV RALIS

1668, 34

DE  
FEBRE MALIGNA VULGO  
DICTA VNGARICA

Q V A M

D. O. M. A.

A VCTORITATE ET CONSENSV INCLV TI  
MEDICORVM COLLEGII IN ILLV STRI  
ACADEMIA IVLIA

PRÆ S I D E

V I R O A M P L I S S I M O E T C L A R I S S I M O

HERMANNO CONRINGIO  
PHIL. ET MED. DOCTORE HVJVSQVE  
ET POLITICES IN FLORENTISSIMA IVLIA  
PROFESSORE PVBLICO LONGE CELEBERRIMO,  
HODIE FACVLTATIS MEDICÆ DE-  
CANO SPECTABILI &c.

PRO SVMMIS IN ARTE MEDICA HONO-  
RIBVS ET PRIVILEGIIS DOCTORALIBVS  
IMPETRANDIS

PUBLICO EXAMINI SUBIECIT

AD DIEM I V L I I

HORIS ANTE ET POMERIDIANIS

I N M A G N O I V L E O

HENRICUS CAROLUS *Stiffer.*

HELMESTADI,

Typis HENNINGI MVLLERI, Acad. Typ.

ANNO C I D I C L X I I X .





DISSERTATIO  
IN  
MATHESIBUS  
AUGUSTI MULLERII  
DE  
D. O. M.  
P. JOHANNI  
FRIDERICO  
ET  
ALII  
HENRICH'S  
TOAR  
1788







SERENISSIMO AC CELSISSIMO  
PRINCIPI AC  
DOMINO

DN. JOHANNI  
FRIDERICO

DVCI  
BRVNSVICENSIVM  
ET LVNEBVROGEN-  
SIVM

DOMINO SVO CLEMEN-  
TISSIMO

A 2

Hanc



Hanc Disputationem Inauguralem

in devotissimi animi signum

humillime

offerre & consecrare

voluit, debuit

SERENISSIMÆ CELSITVDINIS

SVÆ

subjectissimus cliens

HENRICUS CAROLUS Etisser

Autor.

Q. D. B. V.





Q. D. B. V.

i.

**I**N malignis & periculosis febribus non minimum meretur locum illa, quam nostri vocant Ungaricam; quæ quamvis non planè pestilens est, contagiosa tamen & ob id pesti haud absumilis jure putatur. Sortita autem hæc lues nomen inde est, quod in Hungaria maxime innotuerit, & quidem, cum Maximilianus II. Imperator anno 1566 contra Solimannum Turcarum Tyrannum expeditionem suscepisset ad Comorràm: tum primum innotuit hic morbus; ad Jaurinum incrementum summit: postea diffuente milite exautorato, ad Germanos, Gallos, Italos, Belgas hoc malum propagatum, per totam pene Europam disseminatum est. Vehementior tamen & diuturnior malignitatis portio Viennæ hærebat, qua domum revertentibus & pene singulis transeundum erat, & pro se quisque reficiendi corporis studiosus, dum intra tecta reciperetur, grāti animi aut mercedis loco infeliciter morbum hospiti vel familiæ ingerebat, & ita advenarum diversoriis dedicata loca undequaque languentibus referta, ut viæ publicæ cadaveribus occupatæ, conspiciebantur. Variis autem morbus hic nominibus gaudet; dum alij Cephalalgiam Ungaricam ob gravissimum, capitis dolorem, quo hæc lue correpti miserabiliter excruciantur, alij aliter appellant, Germani vocant die *Ungerische Haupekrankheit*. Alijs à nimio contagio

A 3

tagio



ragio & calore det hisigen ansteckenden Hauptkrankheit / A-  
lijs à delirio des Hirnfobens nomine, venit.

II.

Quamvis autem in Hungaria lues hæc valde grassata &  
inde nomen indepra fuerit, inde tamen juxta quo, undam  
sententiam colligere non licet, morbum hunc omninò no-  
vum esse & veteribus medicis neutiquam cognitum. Expres-  
sa enim Hipp. verbal. 2. sect. 3. de morbis Epidemiis horum  
adversantur sententia. Ἐγένοντο δὲ ἐν τοῖσι θερμῶσι πυρετοῖσι περὶ  
ζ. καὶ η. καὶ θ. τεραχίσματα, ἐν τῷ χρόνῳ κεχρησμένα τῶν ὑπὸ κο-  
νώτων χρομένους μάλιστ᾽ ἰκελά ἀναδύματα, ἔ πάντι κησμάδεα.  
Τὰυτᾶ διεπέλει μέχρι κρίσιος. δεσπὶ δὲ εἰδὲν εἶδον ταῖαυτᾶ ἐξανθή-  
σαντα. γυνὴ δὲ εἰδεμία ἀπέθανεν ἢ ταῖτα ἐγένετο: βαρυήκοοι τὸ ἦσαν καὶ  
κωματώδεες. πρόσθεν δὲ ἔ κέρτα ἦσαν κωματώδεες ἦσαν, ἔμελλε ταῖτα  
ἔσεσθαι. In febris autem æstivis circa septimum octavum & nonū  
diem aspredines quadam miliaceæ, culicum morsibus fere simi-  
les, qua tamen non admodum pruriebant, in summa cute subna-  
scebantur, & ad judicationem usque perdurabant. Ac ne ea  
quidem masculorum ulli eruperunt. Mulier vero, cui talia fie-  
rent, nulla mortua est, Hebetiori tamen erant auditu & soporo-  
sa, quamvis antea non admodum soporosa essent, quibus ista eve-  
nire debebant. Neque tamen in totum perseverabant. Nec  
non Galenus nositer 1. de atra bile c. 4. quamvis non tam  
clare & perspicue hac de lue scripserit, ad eam tamen al-  
ludit.

III.

Est autem lues hæc maligna & contagiosa, cum ma-  
culis & delirio variisque symptomatibus conjuncta. Et  
jure quidem malignitatis nomen meretur, quia faviora,  
quàm pro naturæ suæ ratione, ex occultis qualitatibus in-  
terdum oriunda, eam comitantur symptomata. Nec præ-  
termit-



termittendum, quod febris hæc principio jam præterlapso] & ingruente statu, signa præ se ferat lethalia, quæ tamen pleraque saluberima videntur; ita, ut vix ægrum præter naturam sese habere, sentire, sed potius mox evasurum præ-sagire queas. Huc accedit difficillima & laboriosissima cura- ratio diligentissimorum & peritissimorum Medicorum; qui quamvis omni ope sapius nitantur plane hunc morbum tollere, & pene interdum sublatum putent, attamen præ- ter omnem spem subito sævissima prorumpunt sympto- mata, quæ plus sapius negotii, quam ipse morbus medicis curantibus facessunt.

#### IV.

Contagium porro cum febre hæc semper conjunctum videmus; & vult Bulandus Qu. 4. c. 8. p. 325. illum, qui lu- em hanc hoc privare velit encomio, dignum esse, qui tam- diu cum ea luc correptis versetur, dum hausto seminario ipse confiteatur, pari se teneri affectu, quos eodem mox alios haud immunes oculis viderit. Non autem sequitur quasi omnes omnino homines corripere necessario debe- at; sed si consideramus Contagii definitionem, facile vide- bimus, quomodo intelligendum sit morbum hunc esse con- tagiosum. Definit autem Serapion noster l. 4. de feb. c. 2. hoc modo: *Contagium est placua sive seminum vitiosum, e corpore aegro emissum, quod in analogo corpore receptum, similem in eo morbum gignere & producere aptum natum est.* Hinc tria ad contagium requirantur 1. Corpus contagiosum quod alia inficit 2. Morbus & *placua* quod alteri commu- nicatur & per quod aliud inficitur 3. Corpus quod infici- tur. Corpus contagiosum dicimus, quod affectu aliquo laborat contagioso, ipsumque alteri communicat. Deinde quod e corpore contagioso alteri communicatur, non est



est ipse morbus, quo prior infectus erat, sed corpusculum quoddam è corpore contagioso effluens, & in alio quodam analogo receptum, similem in eo morbum excitare valens, quod Græci vocant *μιασμα* ut & *σπίγμα*, Latini inquinamentum ut & seminarium. Sicut enim semen è corpore vivente decisum animatum specie simile illi à quo decisum producere potest; Ita contagiosus humor vel vapor è corpore infecto emissus, atque in aliud corpus receptus, similem illi morbum inducere potest. Denique corpus perpendendum est quod contagium recipit. Sub corpore autem illo comprehendimus corporum & humorum pravam dispositionem. Corpora enim sicca & quæ superfuitatibus carent, minus apta sunt; contra calida, humida, & vitiosis humoribus repleta, quàm commodissime hunc affectum sibi attrahere possunt. Consanguinei præterea pleurumque huic affectui valde sunt dediti. Tantæ enim virtutis & potentia est contagium, præsertim in iis corporibus, inter quæ est proprietas quædam & similitudo, qualia sunt parentum & liberorum, sororum & fratrum. Et quo quis sanguine conjunctior & magis propinquus, eo sæpe numero celerius hoc malum ab alio concipit, propter sympathiam h. e. propter cognationem naturæ & spirituum humorumque consensum.

V.

Fit autem contagium illud duplici modo : 1. Immediate quod fit per contactum, quando nempe per mutuum corporum duorum contactum affectio præter naturam ab uno alteri communicatur. Hujus autem contagii seminaria in crassiore resident materia, & solum per sudores & sordes corpori communicantur, nec tantæ potentia sunt, ut sese longius diffundere possint. 2. Mediate fit, quando aliquo



aliquo interveniente duo corpora ita se tangunt, ut per *ασμα* corpus contagiosum affectionem illam sano corpori communicet. Et vero contagium illud admodum tenue & subtile est, ut facile penetrare possit.

VI.  
Multa præterea circa contagium dubia occurrere solent; quæ tamen ut adducamus & exsolvamus, non hujus est loci, quia in tractatum abiret nostra hæc dissertatio; Pergendum itaque nobis est duntaxat ad maculas illas quæ adparent, utpote quæ præ alijs aliquam considerationem merentur. Sunt autem maculæ illæ non cutis aspreudo aut exulceratio, sed tantum coloris mutatio, non quidem continua & connexa, sed distincta & punctis quasi facta: quas Græci quidam vocant *συματα*, à nonnullis autem vocantur *εξανθηματα*. Cum vero *εξανθηματα* illa duplicis sint generis 1. enim quandoque tubercula quædam in cute erumpunt, & dicuntur pustulæ seu papulæ, & in his continentur humor aliquis 2. quandoque colorem cutis tantum mutant. Posteriori autem solum modo maculas illas nostras *εξανθηματα* vocare licebit.

#### VII.

De materiâ hærum macularum non parva vertitur inter medicos controversia. Sunt enim, qui materiam vaporosam, sunt, qui humorosam maculas hæc construere volunt. Qui vaporosam statuunt, pro ratione adducunt, quod repente fieri soleant, quodque illud quod repente fiat, citius à vaporibus, quam humoribus oriatur. Præterea ex humoribus generari pustulas, vapores vero nullo modo illis producendis aptos esse, omnibus ferè notissimum est. In hac autem lue maculæ illæ sine ulla, ceu jam diximus, ex-tuberantia generantur. Addunt alij, quod citius evan-

B

scant



ſcant & diſſolvantur hæ maculæ,quàm ſi ab humoribus generarentur; putantque aded definitionem humoris & vaporis facile omnem controverſiam dirimere poſſe. Cum enim humor non aqueam quandam & ſimplicem ſubſtantiam, ſed corpus miſtum & liquidum ſub ſe comprehendat, quod, ut magis quàm aqua compoſitum eſt, ita longe plures & præſtantioreſ quàm aqua vires habet, ut Sennert. *l. 2. p. 2. c. 3. de cauſis intern. morb.* habet. Contra vero vapor eſt halicus humidus & calidus, ex aquoſa ſubſtantia vi caloris e ductus, qualis nimirum ex olla ſuppoſito igne aſcendit, ut habet Ariſtoteles *1 Meteor. c. 4.*

### II X.

His contrariam qui ſtatuunt opinionem, humorem pro materia habent, & ex illo petiſculas (ita enim hæ maculæ ſolent vulgò dici) generari volunt: nihil attendentes apparitionis & occultationis celeritatem. Putant nimirum, non modo vapores, ſed etiam humores ipſos citiſſime à natura moveri, & in quamcunque corporis noſtri partem agi; proque exemplo adducunt variolas, quæ repente interdum effloſcunt, repente etiam pereunt, quæ tamen ex humoribus originem trahunt. Cæterum & nos in hanc ſententiam maximè vergimus, petiſculas ſcilicet ab humoroſa poſſe etiam gigni materia. Nec tamen hoc ipſo negamus, quod etiam vapor quicquam ad petiſcularum generationem conferat; quatenus nempe vapor iſte ex humoribus ortum ſuum habet, & tenuitate quaſi ab humore maximè differt. Eſti enim à quocunque humore, cum craſſo tum tenui, petiſculæ gigni poſſunt; tamen ſi à craſſo gignuntur, hoc non fieri ſolet, niſi vel humor ille ante fuerit multùm attenuatus, vel non niſi à tenuiori humoris parte. Cumque non continuata quadam & æquabili connexionem, ſed



sed sparsim & punctim hæ maculæ appareant, necessarium est, hunc quoque humorem non æquabiliter sed divulsim in cutem erumpere, & veluti per cribri angusta foramina transitum sibi comparare. Facile itaque nos exsolvere possumus, si tantum petechiarum formas magnitudinem & colorem spectemus. Non enim eundem hæ maculæ omnes habent colorem, sed varium; & quædam interdum singulæ sibi proprium; hinc sanè sequitur, coloris harum macularum varietatem non aliunde, quam ex ipsa humorum varietate produci.

I X.

Oscitur nunc porro quæstio, secundum quam partem cutis afficiatur. An secundum cuticulam tantum, an cuticulam & cutim simul, an vero etiam ad partes adjacentes, ut membranam adiposam affectus pertingat. Ast facilis & prompta est responsio, latere maculas istas inter cutem & cuticulam, & instar rubini è cuticula elucere. Cuticula nimirum compactior & densior est ipsâ cute, ut humores & vapores, qui ab internis ad superficiem corporis trudentur, cutim facilius permeent, & in spatio inter cutem & cuticulam hæreant. Quod cum primis fieri solet, si humores sint crassiusculi, ceu in extuberantiis & variolis videre licet. Si verò humores sint subtiliores, sine omni extuberantia inter cutim & cuticulam hæreere & pro ratione colorum elucere possunt.

X:

Quamvis autem ubique fere appareant hæ petechiæ seu maculæ, tamen in facie, manuum volis & pedum plantis, vix eas reperies. Hujus rei causa vulgo redditur, quod ibi locorum non tam insignes venæ & arteriæ reperiuntur, quam in dorso, brachiis aut cruribus, ubi copiosè efflores-





scunt. Ast arteria jugularis, cujus externus ramus per faciem dispecitur, contrarium plane testatur. Hoc equidem concedere possumus, venas & arterias in dictis locis non adeo magnas esse, inde tamen non sequitur, quod propterea ibi petechiæ erumpere nequeant. Si enim illa, quæ ex humoribus crassis & lentis oriuntur, erumpere possunt, quidni quæ ex materia tenui, fluxili, & subtiliori, qualis materia est in petechiis. Verior proinde ratio hæc esse videtur. Transitus nempe petechiarum in facie impeditur, quia illa externo aëri est exposita, hinc materia illa ab aëris frigiditate repellitur. Hæc sane cutis in facie aëri exposita semper est contractior & compactior, ut humorem, præsertim si sit crassus, haud facile admittat, & ita ab aëris injuria minus lædatur. Quod autem in volis manuum & pedum plantis itidem non appareant maculæ, partim inde erit, quod non illæ partes itidem sæpe aëri expositæ sint, partim etiam quod illas partes plerumque callus obducatur: & propterea ob cuticulæ densitatem petechiarum prolapsus in illis locis sentiatur.

XI.

Porro autem nobis considerandum offertur subjectum hujus febris; ut recte sciamus, quæ pars ægrotet, quo debito loco medicamenta adhibenda, cum partium affectarum diversitas curationem non parum variet. Sunt Medicorum etiam hac de re variæ sententiæ. Et vero hos inter Jacobus Schegkii, cum quibusdam alijs medicis subjectum februm triplex constituit; Puridæ nempe sanguinem, Ephemeræ spiritus, & Hæcticæ solam cordis substantiam. *Morbus enim, inquit, est habitus contra naturam, quo primum impeditur evēpēta naturalis. Cæterum ut sic expedita evēpēta sorporis animati, non solum agens corpus, sed etiam patiens secundum*

ant



dum naturam affectum & sanum esse oportebit: quod si ambo sana, etiam morbida esse poterunt. Quis ignorat à Galenò & Aristotele morbidum sanguinem dici? Quis non intelligit propter spiritum deficientem saepe languescere vires solidarum partium, quae sunt nutrimentis & medicamentis rescicienda? Ergo, si non in contumacibus aut solidis duntaxat est causa, ut corpus suas eversiones exerceat, versum etiam in contentis: quid verat, quo minus sanguinem πῶτον dextrinis putrida dicamus, & Ephemera spirituum? quod si non faciamus, necesse erit, omnem febrem hecticam esse, si morbus seu febris tantum est in solidis. Contagionem porro hanc caloris, qua solida partes etiam afficiuntur à febribus contentorum, febrem non esse dicimus, sed intemperiem calidam quandam & imbecillitatem. Haec Schegkio.

### XII.

Nec prætereunda hac in re opinio Paracelsicorum, qui febrem morbū nitri, & sulphuris accensi & nominant; & essentiam febris non calorem, sed ardorem sulphuris esse dicunt, idque ea de causa, quod febris frigidis deleri nequeat, nec debeat. Quin volunt, incendium à calore distinguendum, incendiumque ipsam febrem, calorem vero tantum signum & indicium præsentis incendii esse dicunt.

### XIII.

Quid ipsi sententiamus, quamvis Schegkio assentiamur aut ab illo abeamus theses nostræ sequentes declarabunt. Examinanda igitur præcipuè Paracelsitarum sententia nobis fuerit. Cæterum ut hanc paulo altius consideremus, in propatulo est, Paracelsitas non distinguere inter morbum ipsum & causam morbi, & quod in curatione primò respiciendum simpliciter ipsos pro morbo habere. Aliquâ porro ex parte sententiæ illorum assentiremur, si sulphur & nitrum accensum febris causam proximam starent,



guerent, & idem cum illis chymicis sentire viderentur, qui ex humorū putredine *ἐκείνη* sive accensione, vel cum Galenicis nativi caloris in igneum conversione, febrem generari docent. Quod vero febrem nitri & sulphuris accensi morbum nominant, id nullis unquam rationibus probari poterit.

XIV.

Vt igitur nos expediamus, cum optimis medicis verum hujus febris subjectum illud, quod febrium etiam est aliarum, nempe cor statuimus. Sciendum scilicet est, sicuti cor caloris vitalis fons est, eumque in omnia membra diffundit & omnium partium temperiem & calorem insitum tuetur & roborat, ita si præter naturam afficitur, caloremque alium naturali intensiorem concipit, febrilis etiam caloris fons necessario evadit, eundemque facile toti corpori communicat & temperiem naturalem immutat. Et sicut nullum aliud est membrum quod temperiem calidam totius corporis fovere possit, nisi cor; ita nullum est membrum in corpore, ubi febris proxime possit accendi, quam cor. Et si verò sæpe accidat, ut in aliarum partium inflammationibus, aut humoribus in aliis partibus putrescentibus, febris accendatur; tamen calor ille non est febrilis, priusquam cordi communicatur, è quo deinceps in totum corpus diffunditur. Cujus rei & id argumentum est, quod in omni febre pulsus mutatio quædam accidat; quod non fieret; nisi cor & arteriæ afficerentur. Hoc præterea notissimum, ex nullo alio membro tantam caliditatem in corpus diffundi posse, quàm ex corde.

XV.

Cognito autem jam vero subjecto, disquirendum nobis porro erit, quomodo febrilis ille calor toti corpori communicetur, & per quas vias in totum corpus transeat. Scien-



Sciendum igitur, calorem hunc febrilem non inesse singulis partibus æquali proportione; sed, sicut calor naturalis in quibusdam partibus intensior, in quibusdam remissior est, ita etiam calor hic præternaturalis. Quod autem una pars altera calidior sit, accidit vel propter cordis vicinitatem, vel ob vasorum excellentiam; quapropter quæ insigniora habent vasa, plus sanguinis recipiunt, & calidiores sunt alii. Notum itaque est medium aliquod quasi vehiculum esse sanguinem, sine quo nec calor naturalis in statu naturali, nec febrilis in præternaturali constitutione, huc illuc transire, refluxuere & vagari unquam potest.

#### XVI.

Vias quod attinet, venas & arterias illas esse nemo negabit. Arteriæ scilicet spiritum vitalem & sanguinem *ἡμωμόν*, è corde propulsum, in universum corpus impellunt. Venæ vero sanguinem ex artèriis haustum per anastomoses minores in majores, donec venam cavam & dextrum ventriculum tandem ordo tangat, recipiunt. His binis naturalibus ductibus natura quandoque abutitur, per illosque simul etiam circumvehit calorem febrilem & in totum corpus diffundit. Quod videre licet in petechiis hac in febre huc & illuc in toto corpore erumpentibus; quæ quandoque iterum evanescent & recedunt, cum sanguine in venis miscentur, per pulmões transeunt & ad Cor redeunt. Hinc illæ cordis anxietates & alia gravissima sunt symptomata.

#### XVII.

His expositis, ad causæ cognitionem pergendum, cum sine illa morbum pernoscere nequeamus; scire enim est rem cognoscere per causam proximam & immediatam. Primo itaque quid de causa proxima statuendum, declarabimus,



bimus. Alii vulgarem putredinem esse illam volunt, & quidem sordidam; dicentes, putridas à malignis in eo differre, quod hæc habeant insignem profundam & sordidam putredinem, illæ vero simplicem. Verum nisi putredo malignæ febris quasi venenatam aliquam qualitatem in se contineat, ab alia simplici non nisi gradu differt; gradus autem nomen malignitas non meretur. Præterea hæc febris est contagiosa, morbi vero contagiosi natura est, suum effectum, ægroto vix animadvertente, brevi assequi. Hoc autem à vulgari putredine, quæ sensim & sensim quasi per corpus repit, quamque manifestæ alterationes præcedunt, fieri non potest.

### XIIX.

Præterea infirmo nititur sententia illa fundamento. Nulla enim putrida, nulla intemperantior aëris constitutio in tam multas mundi regiones evagari potest. Quæ enim calidis & humidis noxiâ fuerit, frigidis & siccis salutaris evadet; at pestilentia, ut etiam hæc nostra febris Ungarica tam immaniter genus humanum interdum exercet, ut universum pene orbem devastet, frigidas perinde ac calidas regiones, siccas haud secus quam humidas, & hyeme ut æstate depopuletur. Jam vero, si una vulgaris putredo tantæ cladis tantæque perniciæ causa est, ut universum fere genus humanum in regione aliqua ad internecionem perducatur, quæ ergo sit, ut non peræquæ ad omnia animantia pertingat. Nam si salubris aër spiritu ductus omnium animantium vitam tuetur, totique illorum generi salutatis est, cur putrida illuvie contaminatus toti animantium generi æque perniciosus non est? Omnibus autem id in confesso est & experientia comprobatur, quod agricultores memoriæ prodiderunt, pestilentiam aliam incidere, quæ solos boves, aliam quæ oves, aliam quæ gallinas è medio tollat.

XIX,



## XIX.

Deinde sententiam illam theſis noſtra xv facile tollit & irritam reddit. Ex illa enim notum eſt, morbum hunc in corde accendi: neceſſum igitur erit ut cauſa proxima, quam illi putredinem eſſe volunt, etiam in corde poſita ſit. Aſt hic quidem craſſus error fuerit, quis enim putrido corde vivere poſſet. Sane cor ut nec ulcus nec eryſipelas aliquod admittit, ita nec ulla putredo in illo conſiſtere poterit.

## XX.

Verior itaque cauſa proxima imo veriſſima hæc erit: ſanguinis nempe maligna quædam corruptio, & quidem ſingularis propter varias corruptionum differentias. Alia ſcilicet eſt corruptio humorum in variolis, alia in lue venerea, alia in febre hac petechiali, quæ tam varia occurrat, & cui quotidie in hæc imbecillitate adeo multa accreſcunt, ut ſingulatim omnia explicare nullâ ratione queamus.

## XXI.

Perſpecta nunc cauſâ proximâ facile mediatam noſcere poſſumus. Hanc vero ſanguinem ſtatuímus. Qui quando impurus & cum aliis humoribus, ſcilicet pituitoſo aut biliſo aliisque, commixtus eſt, morboſus dicitur; talisque huic feбри non immerito adſcribitur. In ſanis purus ſanguis reperitur; in agris autem in ejuſmodi humores pro natura intemperiei degenerat. Præſertim vero à bili laborat. Quæ ſi plus juſto in ſanguine cumulatur, & non ſufficienter ab hepate imbecilliore ſeparatur, ad incenſiones & inflammations febriles anſam dare poteſt. Unde videre eſt, quod cruor in febribus hiſce malignis emiſſus corruptæ bilis ſpeciem exhibeat, diverſasque præternaturalis bilis ſpecies repræſentet.

C

## XXII.



## XXII.

Hiscæ causis deinde accedunt aliæ & naturales & non naturales. Inter naturales primum obtinet locum Temperamentum, quod humidum ad hanc luem pronius est siccò, ut calidum frigido. Calidum vero & humidum simul omnium maxime ad illam videtur dispositum. Cui habitus corporis succedit. Et vero carnosæ & quadratæ corpora facilius ab hisce febribus infestantur, quàm gracilia: quin imò illa magis quam ista periclitantur in his malis; ut deinde Galenus & Avicenna velint, non aliud circa illa esse faciendum, quam ut in statu suo naturali conserventur. Ætatem porro quod attinet; puerili simul & senili convenire hoc plus quàm manifestum est; attamen puerilis ætas propter humiditatem diffluentem corruptioni humorum magis est obnoxia, quam senilis. De sexu hoc notandum occurrit: tam muliebrem quàm virilem laborare solere; attamen mulieres hisce febribus magis vivunt obnoxia.

## XXIII.

Inter non naturales causas agmen ducit Aër in quo vivimus. Aëris autem dispositio & mutatio ad febrem hanc generandam humida simul & calida aptissima redditur. Avicenna ad aërem quoque refert exhalationes & terra erumpentes: & Galenus majorum syderum virtutes ad aëris mutationem facere monuit: interventu tamen humiditatis & caliditatis. Hippocratis hac de re sententia est ad aërem quoque pertinere, si hyemem siccam & aquiloniam excipiat ver pluviosum & australe. Verba hæc sunt: *Si hyems sicca & aquilonia fuerit, ver pluviosum & australe, æstate necesse est febres acutas fieri & ophthalmias & dysenterias: mulieribus præsertim & viris natura humidioribus.*  
Non



Non negligendæ porrò in hærum febrium ortu potiones  
& cibi, si nempe pravos succos gignant, vel corpus ad pra-  
vam dispositionem immutent. Et quidem potiones a-  
quarum stagnantium, si ad has pravæ è terra exhalationes  
perveniant, has febres generare possunt. Inter cibos  
referimus præcipue cucurbitas, cucumeres, cepas, por-  
rum & id genus alia nimis copiose assumpta. Talia sanè  
succos pravos generant, dumque putrescunt febres ha-  
sce, his imò deteriora etiam mala inducere possunt. Re-  
liqua verò ciborum genera quo propius ad recensitorum  
naturam accedunt, eo facilius has febres generare & pro-  
ducere poterunt.

#### XXIV.

Motus porrò & quies promovendis his febribus oc-  
casiones esse solent; quamvis quæ moventur difficilius  
putrescunt quam quæ quiescunt. Motus etiam facile  
huic malo ansam præbere potest, si sit immoderatus, si im-  
portunus, si fiat in locis calidis & humidis. Quies si nimis  
otiosa & expers ventilationis sit, præcipue cruditarum gi-  
gnendarum & humiditatum congerendarum est idonea.  
Somnus præterea & vigiliæ, si moderate sese habeant, ca-  
lorem naturalem conservare possunt, coctiones juvare &  
naturæ viribus succurrere; contra vero si immoderate illis  
utamur, viam omnibus malis quæ huic feбри producendæ  
apta sunt, patefacere possunt. Inprimis vero debilitato  
calore & auctis crudis humiditatibus fores his febribus o-  
ptime aperire valent.

#### XXV.

Accedimus nunc ad animi *passiones*. Quæ si modum  
nimium excedant, & corpus biliosum calidumque reddant,  
facile febres accendunt. Cumprimis ira symbolam suam  
confert.



conferunt. Iracundi enim plerumque sunt biliosi: quia in  
omni ira sanguis effervescit & tumultuatur quasi, atque  
imperuose ad partes externas præ vindicta cupiditate fer-  
tur. Iræ vero gaudium timorem & mœstitiã addere licet:  
quia & illa ad hunc affectum aliquid conferunt. Excre-  
tiones denique immodicæ cujuscunque generis, partim  
calidis humoribus exagitatís, partim calore nativo immi-  
nuto ac debilitato, facile homines ad febrem hanc dedu-  
cunt. Retentiones verò præternaturales, si vel menstrua,  
vel alvi dejectiones, vel sanguinis aut alterius humoris e-  
vacuationes fuerint suppressæ, hisce febribus commodis-  
simam offerunt occasionem. Et tantum de causis non  
naturalibus.

VIXX  
XXVI.

Cognitis vero subjecto, causisque tam mediatis quam  
immediatis, naturalibus & non naturalibus, ad signa per-  
gimus. Hæc autem sunt duplicia: alia Diagnostica quæ  
præsentem demonstrant constitutionem, alia Prognostica  
quæ futuram prænuntiant. Inter Diagnostica primum  
locum obtinet calor, qui tactus sensu diligentissime ex-  
plorandus est; itaque quoniam sæpius intus maxima ex  
parte delitescit, malignoque incendio viscera perurit;  
tunc sanè manus crebro est carpo & regioni cordis appli-  
canda. Quo diutius autem tangendo insistis, tanto cu-  
mulatius calor ille crescit, ut sæpe manum retrahere cogar-  
is; hoc vero cum sentimus, putredinem malignam & a-  
durentem adesse, certò conjicere licebit. De pulsu por-  
ro notandum, quòd sæpius ille medicum fallat; cum ab  
initio multis validus est æqualis & plane naturalis, at si  
symptomata accedant, deterius minatur, unde tum in-  
ordinatus & inæqualis evadit. His addimus respiratio-  
nem



nem difficilem, tremorem & cordis palpitationem; Cor enim maligni vaporis occurſu laeſſitum quali fremitu & luſtando tumultuatur motu violentiſſimo ad expulſionem veneni exitium afferentis : pertinet huc etiam delirium & cardialgia. Quibus plerumque accedit crebra aurium ſonitus; vaporum ſcilicet perennis affluxus adeo copioſe illabitur, ut non modò interdum auditum impediatur, verum etiam ſurditatem faciat. Atrociſſimam dein cauſantur cephalalgiam halitus calidi acres & maligni ad caput adſcendentes: potiſſimum verò humor bilioſus ſeroſus & malignus, per arterias ad meninges delatus, easque velut aculeis pungens diſtendens & occulte infeſtans. Huc etiam refertur virium imbecillitas; multi enim primo morbi incurſu ſeſe plane deſeſſos & elumbes eſſe ajunt, quomodo verò & quibus in locis moleſtiam percipiant exprimere non poſſunt. Denique ſequuntur maculae ſeu petechiae illae, de quibus fuſius ſupra egimus. Et haec ſigna ſunt luem praesentem ejusque naturam demonſtrantia. Bene itaque attendendum, ne uni alicui ſolè inniſi ſigno, inconsiderate ocuus morbum hunc dijudicemus, ſed potiùs nonnullis ſimul copulatis, circumſpecte, primo ſtatim aditu, luem iſtam dignoſcere & cognoſcere perdiſcamus.

### XXVII.

Absolutis Diagnostis pergimus ad ſigna Prognostica. In his verò admodum cauti eſſe debemus, cum non ſolum gloriam, verum ſape etiam infamiam inde liceat adipiſci. Quare id agendum ut magna prudentia adhibita rem examinemus, idque mature, ne videlicet prono nimis iudicio quidquam concludamus & in falſas ruamus praedictiones. Et verò in uniuersum eſt veriſſimum: iudicium eſſe difficile de futuris morborum even-



tibus, præcipue vero acutorum & malignorum. Vnde jam olim Cœlius 2. *Aph. 19. In morbis acutis non omnino cer-  
te sunt mortis aut salutis prædictiones.* Hoc tamen in gene-  
re cum Sennerto concludere possumus: Quo vires for-  
tiores & symptomata mitiora sunt eo melior morbi even-  
tus sperandus; contra, quò vires debiliores & symptoma-  
ta graviora eo morbus est periculiosior.

XXIIX.

Præcipuum verò prognosticum signum exhibent pe-  
techia sive maculæ. Hæ sane si inordinate prodeant &  
mox retrocedant, lætæ item sint pallidæ vel luridæ vel ni-  
gricantes, cum sævissimis symptomatibus solent conjun-  
gi ac proinde virium majorem debilitationem comi-  
tantem, mortemque plarumque portendunt 2. Sudor.  
Si scilicet æger in principio morbi multo sudore ma-  
deat, bonum est, modo non sit conjunctum cum vi-  
rium prostratione; facile verò præfagire possumus pro  
virium constitutione, ægri naturam esse vel afflictam  
vel roboratam. Cum malignitatem nempe per sudorem  
propellere conatur & feliciter propellit, bonum; contra  
verò malum. Frigidus vero sudor juxta Hippocratem  
4. *Aph. 37.* cum febre acuta mortem, cum mitiore verò  
morbi longitudinem significat. 3. Alvi excretiones ni-  
græ, & pejoris odoris quam pro consuetudine, mortem  
portendunt. Inflammationes enim & corruptiones in  
intestinis significant. Id quod Anatomici testantur: qui  
in cadaveribus hac lue demortuis inflammationes gan-  
grænas & corruptiones in intestinis ventriculo reliquisq;  
visceribus invenerunt. 4. Urina nigra quanto crassior  
tanto deterior, & majorem scilicet resolutionem imò &  
mortem ipsam indicat. 5. Aurium surditas. Circa quam  
notan-



notandum cum Riverio *l. 3. med. prax. c. 1.* in statu morbi apparentem salutem portendere. Verba ejus sunt *Et nos millies observavimus, hisce febribus laborantes, quibus surditas in statu supervenerit, aliis symptomatibus quantumvis periculosis existentibus, omnes evasisse.* Et rationem addit. *Indicium enim est, inquit, cerebrum satis validum noxios humores ab internis partibus ad exteriores derrudere.* 6. Cibi fastidium periculosum signum est. Significat enim ventriculum à maligna qualitate superatum, ejusque temperiem omninò eversam, ut laudabile alimentum sibi in statu naturali familiarissimum respuat & planè aversetur. 7. Nimiù singultus non bonum præbet signum. Refert sane ante laudatus Riverius *l. 9. c. 6.* ex Hippocrate *in Coac. Si quis in laboriosa febre singultus morbo laborat pestimo.* Fit enim ille singultus ab humoribus acribus & malignis tunicam ventriculi internam vellicantibus & facultatem illius expultricem stimulantibus. Hinc & dicit Vallesius, se nullum vidisse servatum, in extenuatis aut febre ardente vel maligna correptis, cui singultus supervenerit. Observavit etiam Platerus, singultum in febribus ardentibus supervenientem & perseverantem plerumque mortis esse prænuncium; qualem etiam observationem notavit Riverius *Observ. commun. 1. p. 302.* 8. Motus tremuli manuum & linguæ funesti esse solent, ut habet Hippocrates *1. prog;* præ se ferunt enim virium imbecillitatem, & naturam à morbo devictam satis demonstrant. 9. Contractiões membrorum quæ in hac lue sæpius contingere solent, valde sunt periculosæ, idque magis, si cum delirio conjungantur; ostendunt enim maximam cerebri læsionem. 10. Denique Delirium, quod est frequentissimum, si perseverat, perniciosum est; quia plerumq; in veram phrenitidem degenerare solet.



## XXIX.

Possent multa alia signa in medium proferri, verum ne in longius abeat dissertatio nostra, inutile id hac vice putamus. Sufficiant itaque hæc; pergendum verò ad ipsam curationem cum utile sit non tantum, nosse causas signa & reliqua morbo alicui accidentia, sed quam maximè sit sciendum, quomodo morbus tolli & curari & æger in pristinum statum restitui possit. Restat igitur, ut quomodo & qua ratione & quo ordine medicamenta sint adhibenda nunc subjungamus, quod medendi methodus clare demonstrabit.

## XXX.

Vt autem in curatione justum observemus ordinem, tali methodo progrediemur. 1. Vias primas ab excrementis liberabimus. 2. Materiam venenatam, quæ corrupta ac putredinem passa est, evacuabimus. 3. Addeamus illa quæ malignam qualitatem corrigant, & quod non penitus corruptum alterent, item quæ putredinem impediant, ejusque causam obstructionem tollant; materiam quæ proxima putredini evacuent & febris calorem temperent. 4. Vires restaurabimus alimentis & medicamentis convenientibus, quæ spiritus reficere, partiumque principum robur ac temperiem conservare possint. 5. Denique symptomatum non nullam habebimus rationem.

## XXXI.

Quoniam verò sanguinem in hac lue inflammatum videmus, non immeritò quarimus, an primæ viæ prius expurgandæ, an vero vena secanda. Ast facilis est responsio, cum primis esse attendendum, quid virium robur permittere velit. Si enim earum imbecillitas statim initio adest, non concedenda erit V.S: quia prolapsus virium magis magisque



magisque augetur. Dein videndum, an corpus sit plethoricum an cacochymicum. Si enim plethoricum non prohibenda V.S. Si vero cacochymicum, primæ viæ potius purgari debent. Quod sequenti pulvere fieri poterit in corpore robustiore;

℞. Spec. Diaturbith. cum

Rhabarb. ℥ij.

Pulv. Rad. Gialapp. gr. vj.

Diagrid. gr. iij.

M. l. a. S.

Exierpulver pro i dosi.

XXXII.

Non tantum autem per inferiora purgare possumus; vomitoria & clysteres etiam multum interdum conferunt. Tutius autem clysteres quam vomitoria adhibemus; vomitoria enim magnam sæpe naturæ vim inferunt, laxantque superius ventriculi officium, quod naturaliter ingressum non egressum patitur. Si vero in ventriculo aut in ejus viciniâ humorum pravam congeriem deprehendamus, unde damnum majus oriri posset, sequenti vomitorio subvenire possumus.

℞. Succu Raphan. ℥ss.

Croci metallor. gr. iiij.

M. S.

Brechsfäßelein uff i mahf.

Post vomitum ventriculus iterum nonnihil corroborandus erit: quod sequenti modo fieri potest.

℞. Aq. Cynamom.

Rosar.

Succu Cydon. āā ℥ss.

Syr. Mastich.

D

Coral-



Corallor. ana ℥ij.

MSS. S. Magentrencklein uff i. Maßl.

Si vero egro placuerit sapius corroborans sumere, sequens erit commodum.

R. Conf. Ros rubr.

Rad. Cichor.

Condit. carn. citri.

cort. citri aa ℥ij.

Cum Syr. cordial.

F. Condit. DS.

Streckung allemahl i. Balsmus gros.

Quod si clysterem applicare velis, sequenti fieri id poterit.

Recipe Rad. althea ℥j.

Herb. Endiv.

Tarax.

Malva.

Brancæ Ursinæ.

Flor. melilot.

Chamamel. Rom. aa m. j.

Sem. ruthe. ℥ij.

Coq. in aqua commun.

q. s. & colent.

In colatura lb. i. dissolv.

Ol. lilior. alb. ℥ij.

Mellis rosar. ℥ss.

MSS. P. Clyster.

XX XII.

Hac quidem igitur ratione primæ viæ expurgari possint. Tollenda porro materia venenata, quæve corrupta & putredinem passa est. Hoc alexipharmacis commode fieri poterit, ideoq; pro præsentis unum & alterum addemus.

Recipe



Recipe Bezoardici miner. ʒij.

Salis prunell. ʒij.

Camph. ʒj.

M. S. Pulv. Schweißpulver

Dosis ʒj. cum aqua Card. benedicti dari potest. Pro deli-  
catoribus hoc modo præscribatur.

Recipe Smaragd. præpar.

Lap. bezoard. orient. ʒā gr. vj.

Hyacinth. præpar. gr. iij.

M. F. Pulv. p. i. dosi.

Quoniam verò toto morbi decursu alexipharmaca sunt ad-  
hibenda, Medicus exactam naturæ ægri & temperamenti  
cognitionem habere debet. Cumque nonnunquam acci-  
dat, ut æger valde debilitetur sudoriferis, admiscenda sunt,  
quæ ventriculum corroborant; qualia sunt succus Citri,  
Granat, Confectio Alkermes &c. Quod si sudor celeri-  
ter prodire nolit, calidis lateribus pedibus & axillis admo-  
vendis subvenire possumus. Ubi dein pro prudentis Me-  
dici arbitrio æger satis sudavit, diligenter mundis linteis  
calentibus abstergendus erit; vitato aëre frigido; & quia se-  
minaria morbi linteis facile adherent, quæ repore lecti po-  
ros pertransire possunt, nova & moderate calida sæpius re-  
inducere licebit.

XXXIV.

Postquam venenata materia in hunc modum expul-  
sa est porro, necessum est adducamus illa, quæ putredini  
resistunt & calorem contemperant. Erunt autem talia me-  
dicamenta, quæ cor roborant & vi alexipharmaca venenum  
& putredinem non admittunt. In præsentia tale possit lau-  
dari.

D 2

Recipe



Recipe Lap. Bezoard. or. gr. xii.

Magister. Perlar.

Corallor. āā ʒʒ.

M. Pro 2, dosibus æqualibus.

S.

Bezoarpulverlein.

Potest autem cum sequenti aqua pulvis exhiberi.

Recipe Aq. Bezoard.

Card. bened.

è succoacetos: āā ʒj.

Rotul. man. christi perlat. ʒʒ.

MDS. Wasser zu dem pulverlein.

XXXV.

Quod si natura pro robore suo forsan expurgandæ materiæ viam affectet, & per urinarios ductus materiam expellere conetur, iuvanda erit convenientibus medicamentis, præcipue illis, quæ prompte ad vasa urinaria abeunt & materiam costione corruptam secum abducere possunt. In quam rem laudantur emulsiones quatuor seminum frigidorum majorum; quibus tamen semina citri & cardui benedicti adjungi possunt. Nec non CC. præterquam enim quod illud per sudorem materiam malignam evacuat, pariter diureticum est. Quin huc aliquid conferat Spiritus Tartari qui egregie materiam per utinas expellit.

XXXVI.

Quod si progressu morbi calor semper adauctus fuerit, non inconueniens videbitur iterata phlebotomia; quæ tamen prudentiæ Medici meritò relinquitur. Interim calor temperandus erit; cumque in illo calore sæpenu-mero sitis sentiatur intolerabilis, decoctum fieri poterit ex aqua fontana aut sero lactis, corticibus citri cum pulpa, adden-



addendo sachari q. f. pro grato sapore. Potest talem in modum formari.

Recipe CC. crudi & raspati ℥vj.

Rad. Scorzonerae ℥ij.

Coq. in aq. comm. q. f. ad medietatem & colatur ad lbij. adde.

Syr. Ribium ℥ij.

M. S.

Trank für den Durst.

Cumque in tali siti linguæ & oris ariditas quam maxima sentiat, gargarisma sequens dari potest.

Recipe Aq. Decoct. hord. lbj.

Oxyfach. simpl. ℥vj.

M. S. Mundwasser.

Quo os sæpius collucere poterit ad tollendam illam ariditatem.

### XXXVII.

Cum vero, teste etiam Galeno, vivere ipsum nobis ex virium custodia constet, illarum incuriosi non esse debemus. Illæ enim, præcipue vitales, in hoc morbo prostratæ languent. Quare talia afferenda, quæ eas instaurare possunt. Qualia sunt quæ laudatissimum sanguinem generant, ex quibus novi ac copiosi spiritus facile procreantur. Sunt autem illa alimenta *εὐχολα καὶ εὐπεπτα*. Inter quæ præcipua credimus, jura carniū expressa, perdicum, gallinarum, turturum, carnis vitulinæ; quæ condiri possunt acido & corticibus citri, item macis cinamomi &c. Quin interdum vinum concedi potest, si tamen merus sit, vinum nimis cito ad partes internas maligno calore æstuentes penetraturum, buccella panis similaginei parum tosti vino macerata ægro exhiberi potest; ita enim



diutius ventriculo inhærens eum roborat & virtutem per  
totum corpus diffundit.

XXXIIX.

Eget vero & cor maximè corroboratione. Quare  
pulveres & julepos cordiales præscribere possumus. In  
anxietate sequens aqua apponi potest.

Recipe Aq. Scabios.

Tussilag. aa. ℥iij.

Cinam: ℥ß.

Confect. Alkerm: ℥i.

Syr. papav. errat. ℥iij.

D. S. Sterkendwasser uff 2. a. 3. leffel voll.

XXXIX.

Addenda nunc ultimo loco symptomata quædam quo-  
rum mentionem in dissertatione vix fecimus. Cum enim  
tanta sit farrago illorum, omnia adducere non potuisse-  
mus nec nunc possumus. Quare nonnullis tantum in me-  
dium adductis, ubi simul indicaverimus quomodo illis sit  
subveniendum, finem huic disputationi imponemus.

XI.

Conqueruntur autem ægri in hoc morbo cum primis  
de Cephalalgia, quæ ex maligni humoris ac vaporis acri  
& venenata qualitate, membranas cerebri vellicante, ori-  
tur. Cum autem dolor affluxum humorum pariat, eti-  
am capitis dolor si perseveret, gravioris alicujus mali cau-  
sa & signum erit. Si itaque ventriculus & intestina gravem  
halitum ad caput effundant excrementorum alvi suppres-  
sione, aut corruptorum humorum copia illic hærente, al-

vus



vūs pigrior enemate, aut suppositoſorio irritari & vacuati  
debet. Si ſanguinis fervor venas diſtendit, phlebotomia  
non abs re erit. Ad leniendum capitis dolorem & vapo-  
res halitusque revellendos ſequens cataplaſma applicari  
poterit.

Recipe Sem. papav. alb. ℥ij.

Nucl. Perſic. ℥j.

Contund. in mortario marmoreo affuſa ſenſim aquā rō-  
ſacea q. ſ.

F. Cataplaſma.

S. Umſchlag umbs Haupt.

XLI.

Nimium porro capitis dolorem ſequuntur vigiliæ.  
Dolores nimirum turbant ut totum corpus ita & ſomnum  
naturalem. præterquam quod cum ſoli humores benigni  
ſint apti ſomnum producere, acres & maligni benignita-  
tem illam ſomno neceſſariam tollunt, aut certè corrup-  
punt. Quare huic ut ſuccurramus malo, narcotica adhi-  
beamus neceſſe eſt commode autem his ſequentibus fieri  
poſteſt.

Recipe Unguent. Alabaſt. ℥iſſ.

Opii Thebaici vino ſoluti ℥ſſ.

Cum olei Nymphetæ q. ſ.

F. Linimentum.

D. S.

Salblein zum Schlaf.

Adhiberi etiã poterit hæc potiuncula.

Recipe Aq. è ſem. Card. ben. ℥iſſ.

Syr. de papav. errat ℥ſſ.

Opii



Opii in succo citri solut. gr. j.

Mixtur. simpl. ℥j.

MSSD.

Abendrotlein uff 1. mahl.

Exhiberi quoque possit pillula ex laudani opiatu gr. ij.

XLII.

Cordis præterea affectus præcipui sunt, ægrotoq; & Medico negotium in hoc morbo facessunt. Et vero illa symptomata ægrum sæpius è medio tollunt; præcipue verò cordis palpitatio & animi deliquium. Vnde Hippocrat. *Qui sæpe & vehementer sine causa manifesta animo linguuntur, ii derepente moriuntur.* Et notavit Galenus; *Palpitationi obnoxios omnes ante senectutem decessisse.* Quare aliquo modo & his occurrere docet symptomatibus. Palpitanti itaque cordi & eminenti arteriarum in carpis manuum, temporibus, cartilagini & *Poederi* applicabimus oleum scorpionum Matthioli, quod cum alijs ita præscribi potest,

Recipe Ol. Scorp. Matthioli  
in eius defectu vulgaris  
simpl. ℥iij.

Theriac. veter. Androm. ℥j.

Ol. stillar. cort. citri,

Meliss.

Macis āā gr. iij.

Ros. gr. iij.

Mosch. opt. gr. ij.

MSS.

In lipothymia pro revocandis spiritibus facies ægroti aspergi potest vino, aqua rosar, lavend. cinnamom. Intus aquare cordiales ori infundantur, quæ momento quasi suos effectus



effectus præstant ut aq. Cinnam: spiritus lavend. meliss.  
lilior. convall. &c. Nariibus suaveolentia apponantur. Vt  
Balsam. ros. citri, ruta, macis, angelicæ &c.

XLIII.

Ventriculus porro per frequenter magnam patitur mo-  
lestiam, vomitus enim & singultus supervenire solent. Vo-  
mitus itaque compescendus erit, corruptis humoribus,  
qui ventriculi fundo vicinisque partibus adhærent, per al-  
vum vacuatis. Dein adhibenda quæ fervorem & acrimo-  
niam humorum obtundant, ac ventriculo robur addant.  
Illa autem sunt syrupus & vinum granatorum acidorum,  
item cydoniorum, prunorum sylvestrium &c. Innume-  
ra præterea medicamenta, ut & de alijs symptomatibus com-  
plura addi possent: Verum hæc nunc sufficiant de omni-  
bus.

XLIV.

Diæta postremo consistit in legitimo sex rerum non  
naturalium usu; Aër ergo ita disponatur, ne caliditate  
continuum augeat febrem, sed frigiditate transpirationem  
prohibeat. Sit itaque temperatus: magis tamen nonni-  
hil ad caliditatem vergens, ut poris apertis maligni & a-  
cres vapores facile exhalare possint. Serenus porro sit  
& suaveolens, ut spiritus resciantur. Cibus sit tenuis mul-  
ti nutrimenti, pauci excrementi, ut juscula &c. Cibi dul-  
ces, qui facile bilefcunt, & pingues vitandi. Cerevisia be-  
ne sit defecata, præcipue in potum citat decoctum hordei  
cum C. C. vel aqua rosar. scorzoner. & succo citri &c.  
Somnus quacunq; ratione conciliandus, vigiliæ enim  
spiritus dissipant. Danda etiam opera, ut ægrotus  
E quiete



quiete dormiat, ne variis commotionibus vires magis pro-  
sternantur. Alvus sit aperta; si obstructa, clystere aut sup-  
positorio erit emollienda. Animi denique affectus sedu-  
lo fugiat agrotus, ne medici omnis opera incassum ab-  
eat.

Et hec sunt, qua pro presenti de hac lue dici debuerunt.

Summo Deo a quo omnia oriuntur bona, sit  
laus honor & gloria in secula se-  
culorum.

F I N I S.



Diets postea...  
natura...  
continua...  
prohibet...  
hij ad...  
eres...  
&...  
n...  
ces...  
ne...  
cum...  
Somnus...  
partes...  
E







Anta strage Febres mortalia corda perurunt,  
Ut timor has quondam iusserit esse Deas.

Nulla quidem has inter, quam dicas jure beni-  
gnam,

Est tamen ante alias una maligna magis:

Dira lues, malefida lues, quæ prima sororum

Ad lethi facili tramite ducit aquas.

Fronti nulla fides: blandiri novit, & inter

Spes plenas furiis se armat, & igne novo.

O factum bene! quod, quâ serpere fraude solebat,

Nota est, & Medicus prævenit arte dolos.

Hic quoque Tu Genii vires, Stisfere, recludis.

Quæ venit ex duris, gloria major erit.

Hactenus & formas plantarum, & noscere vires,

Et quicquid Medicum, quâ pater, orbis habet.

Hactenus humani mirari corporis artus,

Et quo quæque loco viscera, cura fuit.

Nunc constante gradu metam contendis ad artis,

Et meritis dantur præmia digna tuis.

Vive diu felix, & sit licet illa maligna

Febris, ioh̄ victas det tibi tota manus!

*amicitiæ testandæ*

*scripsit*

HENRICUS MEIBOMIUS

Med. D. & P.P.



Sicut Olympiacis victori cūribus olim,  
Tessera virtutis, cinxit oliva caput.  
Sic, STISSERE, mihi quo non est carior alter,  
Sedulitate gravi parta corona TIBI;  
Parta corona, TVAS Medicorum gloria docta  
Quam cingens confert, præmia magna, co-  
mas.

Gratulor hancece TIBI, quā nunc ornaris. Ho-  
nores  
Majoresque TIBI, & prospera quæque pre-  
cor.

*Ita Clarissimo domino DOCTORANDO  
Amico suo multis nominibus colendo  
gratulatur*

PETRVS CHRISTOPHORVS  
Stoekhausen Med. Stud.



HELVETICVS MEIBOMIVS  
Med. D. & P.












X 2617648

konz









B.I.G.

Farbkarte #13

DISPUTATIO MEDICA 1668, 3<sup>4</sup>  
INAUGVRALIS

DE  
FEBRE MALIGNA VULGO  
DICTA VNGARICA

Q V A M

D. O. M. A.

AUCTORITATE ET CONSENSU INCLVTI

MEDICORVM COLLEGII IN ILLVSTRI

ACADEMIA IVLIA

PRESIDE

VIRO AMPLISSIMO ET CLARISSIMO

HERMANNO CONRINGIO

PHIL. ET MED. DOCTORE HVJVSQVE

ET POLITICES IN FLORENTISSIMA IVLIA

PROFESSORE PVBLICO LONGE CELEBERRIMO,

HODIE FACVLTATIS MEDICÆ DE-  
CANO SPECTABILI &c.

PRO SVMMIS IN ARTE MEDICA HONO.

RIBVS ET PRIVILEGIIS DOCTORALIBVS

IMPETRANDIS

PUBLICO EXAMINI SUBIECIT

AD DIEM IVLII

HORIS ANTE ET POMERIDIANIS

IN MAGNO IVLEO

HENRICUS CAROLUS Stiffer.

HELMESTADI,

Typis HENNINGI MULLERI, Acad. Typ.

ANNO MDCLXVIII.

